

南潯志卷二十

里人周慶雲纂

人物三

温文炳 温芝田 張元燦 温芝山

李景坡

紀復亨 丁蟾

吳巖

温源起 温士利 温瑤琨

張升吉 張震亨 張澂 張丹山

丁宗英 丁文錦 丁源

紀豹文

徐德元

董增齡

方熊 方燾

張德奎

計發

夏耀曾

王翰青

丁殿金 丁泗

南潯志 卷二十 人物三

温純

董傳經

陸唵 陸驥 陸駒 陸長春 陸貴琛

楊鳳苞 楊鳳聲 楊錯

施國祁

邢典 馮鳴盛

温一貞 陸楷 項初

劉桐 温日鑑

郭廷元

紀峻 紀方虎

張鑑 張鎮

范錯 范穎通 范宗鎬 范登 范來庚

孫爨

沈登瀛 沈鍾璜

丁桂

紀慶曾

盛朝勳

董蠡舟 董恂

紀大夏 紀汝霖

沈垚

周霈霖 周昌壽 周慶徵

紀思曾 紀奎光 紀六箴 紀五辰 紀七襄

沈益

周良苗

周文魁

周恒

丁宸

董邦楨

温金剪

李景崑

李邦治

温文炳字星若晚號菊隱老人天性至孝家無中人產而施濟不倦以厚德為躬行而化及於宗黨鄉里年八十四端坐而逝子二芝田文行師法歸太僕芝山字養冲號友琴倜儻負奇氣喜經濟家言丁子復温菊隱傳及温友琴傳乾隆丙子湖郡飢甚有捐瘠於道者芝山惻然刑典温君友琴傳與同志張元燦等請於通判澄海陳公榮議捐賑陳公首捐俸遍勸得銀五千兩語陳公曰經費不難分給難分給不難弱不漏澤強不濫冒難陳公曰此事非君才不能辦非君心不肯辦君其行矣時疫癘甚作戚族多沮留曰

南溟志

卷二十

人物三

二

此吾志也一方之人瀕於死義不可止得多活人余為恤丁傳遂以編查為獨任徒步往來東至霞澤縣界西至東遷南至輯里北至瑤田計莊十有六得極貧戶一萬零二百七十七口州手傳注册給符一口錢四十小口半之一給七日丁傳挨莊判發翕然稱善兩月事竣邢傳病作竟不起疾革命嗣子曰我家世尚節義以自便利為大辱非祇辱其身且辱其祖若父我死汝宜益勉於善年五十有四丁傳

李景坡字雲軒性沈毅具才畧服賈於河南乾隆三十九年教

匪王倫擾亂東昌豫省戒嚴景坡率同志倡辦義團以資守助

事平保舉六品頂戴

李氏宗譜

紀復亨字元穉號心齋年曾孫河南商邱縣籍乾隆辛酉順天

舉人王申 恩科進士翰林院庶吉士散館授編修補陝西道
監察御史改隸本籍轉京畿道兼管左僉都御史事陞吏科給
事中京師有閻王張四又號蛇張藐法恣橫特參懲治貴州苗
民承值差務勞逸不均奏請免其偏累充丙戌會試同考官甄
拔稱得人慝鴻臚光祿二寺少卿遷通政司參議尋陞太僕寺
少卿因病乞歸寄居蘇州之楓橋後卒于潯年七十四復享少
卽工詩善書閒畫山水皆超逸有致志同里丁蟾字月亭號蓉
齋弱冠入庠舉業外兼工詞賦嘗見賞於紀心齋太僕後張秋
水明經稱其詩緘幽鑿險可奪唐王建張籍之席云潯溪詩徵
吳巖字懷峯號桐村乾隆辛酉舉人大挑選任仁和教諭汪志以
巡撫匿災白諸學使雷鋹翠亭據以入告撫軍落職吳興詩話丁丑

南潯志

卷二十 人物二

三

成進士授刑部奉天司主事乙酉貴州副主考歷任福建司員
外郎山東司郎中在西曹十餘年審畫詳慎戊子兼編修銜提
督山西學政選先正文以示軌則刊三通序以重根柢所拔多
名士呈請歸養里居數載嗣丁外艱戊戌服闋入都卒于湖州
會館年六十三汪志巖善飲工繪詩話宗婁東派兼工寫意花卉墨林
今自題山水詩多清絕詩話先世育于曹自吳江八角亭遷潯故
有曹吳同姓之說里人至今稱曹懷峯云汪志

溫源起字彙滄號池客又號蕙窗先世自輯里遷潯曾祖士利
饒于資值歲饑罄其財以賑鄰里家遂落再傳貧益甚源起棄
舉業專力治生不數年復完舊業有沈某質田于源起沈歿其
婦貧不能自存將有去志源起亟焚券歸其田婦得撫孤全節

佃戶錢某迫于逋負鬻其妻爲人妾遺之金得贖還又有陳端龍者被人誣扳入獄憐其冤力援之乃出親串中兄弟闖牆構訟其兄求爲左袒切責之曰手足可自戕耶其人感悔訟旋息自奉甚約每節縮衣食以濟正用晚年葬同族兄弟七人之棺贈朱文昌之孤以田遺徐聖培以粟姚江謝氏子不能婚則助之徽容吳麟趾櫬不能返則歸之年六十一卒子瑤琨字右良號古愚究易理精篆刻母范氏好施予瑤琨奉命惟謹又推其意修治橋梁如潯西南之龍珠橋其一也

汪志

張升吉原名乾元字易門號西塞一號奚疑先世自震澤遷潯升吉乾隆戊子舉人大挑知縣發福建充癸卯鄉試同考官補將樂縣丙午調鳳山縣未履任適林爽文倡變連陷彰化嘉義

南潯志

卷二十 人物三

四

二縣鳳山亦爲莊大田所陷丁未三月升吉至台灣大田日犯府城升吉分守小北門招集鳳山餘民得二千人屢出城殺賊奉檄偕副將丁朝雄由海道取東港十一月得而守之三面皆賊一面瀕海且剿且守時賊屯水底寮所擄良家婦女三百人賊黨脅從約萬餘人陰遣武生鄭其仁入寮曉諭禍福戊申元旦有賊目十人叩營投順諭以送還婦女始許降詰旦牛車數十兩盡送詣營各給口糧招親屬領回會將軍福康安統大兵救嘉義復彰化擒爽文還兵剿鳳山賊大田亦就獲鳳山故城荒圯因遷縣治于埤頭勤撫字賑飢民捕餘黨盡獲而貸脅從者無算調署浦城得真西山心政二經中有催科法仿而行之民樂輸恐後復補寧德縣奔父喪歸遂不復出嗜研易理兼善

六壬數然不輕占休咎也嘉慶八年卒年六十五從弟震亨字
驚百號小勇少工文有聲庠序書法趙吳興乾隆庚寅 恩科
舉人早卒從子澂原名珂字佩珊號秋畹嘉慶戊午舉人官鄞
縣教諭修學宮忠孝節孝二祠勤於督課率先身教士林稱之
升吉孫丹山字儀曾號半屏改名夢沅又改亥昌廩貢生輯溇
錄蒐獵故里遺逸之事張氏同居七世崇儉斥奢一庭雍穆恆
隨子弟之材而教之或士或商莫不遵循矩訓家法之善爲南
溇冠云汪志

丁宗英字愧庭自號雲谷少勤學爲文章務法先正不詭隨時
好故屢困于試年逾壯諸城實光隴督學浙江始補縣學生爲
人忠厚長者犯而不校處兄弟間終身怡怡如也父卒遺負不

南溇志

卷二十 人物三

貲傾產以償之家遂落與弟分析所得田宅瘠且陋惟以蓄書
爲喜歎曰後人能世世讀之吾願足矣於乾隆六十年卒年七
十一子文錦字綺巖自號力堂縣學生性孝友操行潔白嘗館
于外遇珍羞以不能供父母輒不敢食弟朝鎮早卒撫其孤女
如己出終日衣冠整肅望之儼然待人甚恕不以己之所能
責人故人雖憚其莊而樂就焉幼多病稍長乃自刻苦于學雞
初鳴卽披衣坐默誦日所讀書寒暑無間雖行道路亦然由是
業大進爲諸生有聲紀慶曾少從學好古不屑屑時藝人或非
笑之文錦曰今子弟讀書大抵藉聖賢之言博利祿已耳若紀
生者乃不愧爲讀書人也後慶曾果以通經治古文名于時年
五十八以嘉慶十一年卒子源字肇崑幼敏悟年十五遍誦諸

經年十六補縣學生時宗英已謝諸生業與文錦俱以久困場
屋日望源以科名顯源承兩世庭訓惟日孳孳爲文穿穴經史
雄深雅健有劉黃岡風力然終不得舉性好詩喜學東坡至形
夢寐故以夢坡自號著有嘯月齋集三卷逮執父喪自痛科名
未就不能慰父志長號連晝夜氣鬱于中遂成瘵疾踰年卒年
僅二十九

丁桂丁氏
先墓表

紀豹文字幼廉號蔚巖又號霧隱山人乾隆乙巳恩貢歷署景

寧嘉善臨海教諭曉寒樓
雜憶人極方古年高而腰腳甚健登山不

用杖爲詩不假思索出入誠齋放翁之間耐冷
淡其任臨海也渡

錢塘舟覆潛行水底十餘里得不死自慶幸生有詩紀其事後
遂不復出優遊林下十餘年與里中耆老結尙齒會於廣惠宮

南潯志 卷二十 人物三 六

同會者三十餘人宴飲賦詩深衣朱履鶴髮童顏極一時之盛

曉寒樓
雜憶

徐德元字達三號芷堂乾隆丁卯舉人工詩以秋海棠詩見賞

於王際華和者徧海內縣志競以徐海棠稱之吳興
詩話選四川彭山

知縣訓士有方設立書院課程撥聖壽寺山地百餘畝以資膏

火會金川叛逆奉使佐理臺站巡撫鄂寶見而問曰能詩彭山

令卽汝乎卽調隨營辦事以功升同知補漢州知州縣志後遷居

東郭兜

董增齡字慶千號壽羣歸安廩生汪志博雅士也王引之國
語正義序善治

春秋兼善醫道著述有規杜繹義論語雅言金匱集解江海明

珠國語正義汪志其國語正義援據該備自先儒傳注及近世通

人之說無弗徵引又於發明章注之中時加是正可謂語之詳而擇之精矣

王序

方熊字飛崖號涓敷縣學生自束髮就傅卽耽聲韻之學中年屢困棘闈遂廢舉子業肆力於詩又雅善蘆雁有所作輒題小詩時與茅湘客姜漁樵諸名宿結漁社羣相唱和後主田園詩社其弟筍岳亦與焉讌集聯吟殆無虛日晚年多病甚至體枯聲啞猶不廢吟詠至疾革時出其未定之稿命筍岳刪存之題曰飛崖詩刪筍岳名燾號淞洋又號裘莊村農府學生少好學師事兄飛崖學詩海鹽朱笠亭稱其詩婉麗明秀如靈和楊柳初日芙蓉於唐近劉文房杜樊川情韻勝也時下飮餽爲博織佻爲工者奚可同論可謂傾倒矣有山子詩鈔十一卷筍岳又

南潯志

卷二十

人物三

七

善山水花卉見其稿中有題畫詩世無知者因並拈出

潯溪詩徵

張德奎字聚東號默齋監生秋水明經之父也妙解醫理著桐雷歌訣二卷性慈和有爲善最樂之風南潯舊有長生會掩骼舐施棺槨實其父元熙爲之首創繼事益勤迄今弗替卒於嘉慶丙寅年七十有八

潯溪詩徵

計發字發之號魚計縣學生克承家學銳志讀書尤刻苦作詩嘗館于同里劉氏之畫扇樓以古學誨其弟子性和易愛獎掖後進時潯上詩道日衰而里中人士復爲興起皆魚計提倡之益也晚年賦祭詩詩皆道其詩境之辛苦有魚計軒詩鈔及魚

計軒詩話

潯溪詩徵

夏耀曾字藻亭號少岳縣學生爲心谷大令之孫家傳經訓學

有根源又得其節母孔孺人指授少卽能詩有小山居偶存稿及附存稿溇溪詩徵

王翰青字文虎改字鄂舟號鶴野歸安附貢生少立名譽庠序推重善制舉文屢薦不售尤工於詞深得梅溪竹屋之音自署

鶴野詞客溇溪詩徵

丁殿金字康侯號柳溪歸安籍阨于小試于嘉慶庚辰始補博士弟子員時年已七十餘矣孜孜好學至老不倦遂于道光戊子 欽賜副貢又于丁酉 欽賜舉人年逾九十耳目聰明行不扶杖而立身行已動遵禮法尤足為鄉里儀式卒年九十有三族弟泗字滄江號文波烏程學生淡于科名一踏省門終身不復至與殿金正相反泗為人勤勉丁氏祖塋宗祠皆在三里

南溇志 卷二十 人物三

橋舊居一切公事皆泗為經營綜理規條井井出納平允人服其無私曉寒樓雜憶

溫純字一齋號春湄生而穎異五歲從從兄乘珠學卽知禮讓稍長博涉經史愛讀詩古文辭嘗因小試謁郡守雷公輪異之曰子氣宇不凡後補博士弟子員旋食廩餼阮雲臺先生視學湖郡詩文外兼訪多士之善書畫者純繪道場山色及秋桑圖以進使者歎賞之比於趙吳輿由是聲譽日益上梁同書一齊溫君傳授

例就教職官象山縣訓導調處州府學府志兩任學博天若縱之

名山勝水之區以發金石之秘手拓六朝唐宋以來志傳未載之題名詩版凡數十件可謂好事矣詩宗白陸書法臨摹晉唐諸家尤工篆刻梁傳幼受畫法于沈宗騫山水渾灝淵懋力追董

巨其小品尤有別趣人以比之姚雲東陳孟陽云

墨林今話

其所居

曰墨妙樓藏弄名人墨迹精拓碑版及金石圖史閒牕靜對與

古人為徒輒自意得戊辰七月以秋試至省假歸省母觸熱到

家適遭兩女一時天殤既感且鬱復至省勢不能入闈越半月

竟不起春秋四十有五子皆早殤以兄子邑庠生森樟為後

梁傳

著有吳興詩鈔校勘王筠林題跋墨妙樓叢書

溫氏家傳

董傳經字厚畬號性存少孤貧刻苦攻書旁通堪輿奇門尅擇

之學性好吟詠嘗北遊燕趙胸次日廓故其詩日益工力追唐

人入摩詰襄陽之室傳經以九歲之孤侍奉節母崔親供菽水

終身不娶

節潯溪詩徵

陸唵一名寧字靜川號柳南居南蔣港監生性和易善交友隱

南潯志

卷二十 人物三

九

居讀書工吟詠輕財好施鄉里稱為善人子驥字千里天資穎

異力學能文與其弟駒字昂若號藿園齊名驥子長春字向榮

號辦香又號簫士道光甲辰副貢工詩詞善駢體孜孜稽古不

為俗學所羈駒子貴琛原名桂春字獻其號秋士道光庚子舉

人有文名

潯溪詩徵

楊鳳苞字博九號秋室又號莢泝亦稱小玲瓏山樵又稱西園

老人歸安廩生

注

博雅邁倫屢試不得志賦西湖秋柳詞以寄

意前後積七十二首情味並勝

陸以滌冷廬雜識

有名於時於經學小

學皆有根柢尤熟諳明末事嘗為南疆逸史跋十二篇補溫睿

臨之未備而訂其誤尤留心鄉里掌故朱莊史禍為南潯一大

案鳳苞旁搜遺軼紀載甚詳烏程陳無軒焯向有湖州詩錄之

輯知縣彭志傑欲付之梓以校補屬之爲增錄數百家并攷其爵里志傑旋罷去刊未成阮文達公元督學浙江拔入詒經精舍編經籍藝詒鳳苞與分纂焉布政使謝啟昆聘之入幕以侍老母疾辭不就晚年館于郡城陳氏其書室爲鄭苴哇元慶魚計亭人以爲苴哇復生云卒年六十四無子兄鳳聲字昆谷號虛舟弟錯初名鳳擊字錫朋號雪篷並有才名早世

汪志

施國祁字非熊號北研縣學生好學不倦工詩古文善填詞尤熟于金源事實嘗病金史蕪雜擬攷正之有所得輒爲紀錄年逾四十遂棄舉子業專力以著書自任積二十餘年之久書成名曰金史詳校繼以卷帙繁多乃列舉條目爲金源劄記又以其餘緒作元遺山集箋金源雜興詩家極貧少嘗授經于外中

南潯志

卷二十 人物三

十

年忽樂市隱寓于潯北爲人經理生業設吉貝肆市中有一樓顏曰吉貝居所著書多成于其中嘉慶己巳秋不戒于火著述盡付一炬今所存者大半出于記憶補錄之餘耳卒年七十餘

無子

汪志

邢典初名大典又名二典字綺封號書城縣學生居垂虹橋下家赤貧讀書談道泊如也每論及歷代象緯輿地兵農食貨諸志與國朝疆域典章悉鑿鑿可證旁通玉遁醫卜星相諸術晚更棲心內典大旨歸于明體達用不屑屑於章句訓詁與楊鳳苞施國祁並稱南潯三先生卒於道光四年年七十一馮鳴盛字上鳴號篋園嘉慶戊寅舉人授翰林院典簿銜少孤授徒以養母工制藝從遊者甚眾初同里三先生中鳳苞國祁不喜

爲制藝曰焉用此庸濫之談典曰制藝文之至精者也今之習于庸濫其未失也然典所作淳古淡泊人未之好也至鳴盛論文則法古而仍不戾于時要必以經史爲根柢故及門無空疎躐等之弊其尤高者遂能博通古今著書立說皆鳴盛有以啟之也見義勇爲弟子中貧乏者盡心訓誨而不責其費葬其外祖父母行畧又葬其祖母外家姚氏數棺道光十八年卒年六十

汪志

溫一貞字又賢號也癡諸生先世自輯里遷南潯從其姑夫沈宗騫遊由是工六法好金石收藏甚夥縣志也癡山水不輕作嘗

嫌所居隘畫數十幀售之構屋兩楹疏池種竹畧曰綺石居錄蘇黃兩家題跋梓以行世楊峴題宋拓鄒閣頌跋尾族祖明推官璜殉節徽

南潯志

卷二十 人物三

士

州葬道場山麓歲久榛莽莫辨搜訪得之有圭田十餘畝爲薯厰侵占率同族鳴于官得還其舊往來具區之濱見詩人吳山秀之孫貧而瞽家有淺土十五棺遂捐資偕山秀門人施國祔會葬因濱村中老益勤學神明不衰卒年八十二同時陸楷字正之號梅圃亦宗騫弟子畫與莘開齊名項初字容初一字函江號藥房以善畫名縣志

劉桐字舜揮號疏雨例貢生候選州同好交遊善談藝銳志聚書積至十餘萬卷凡宋槧及精寫本不惜兼金羅致插架之富

自天一閣瓶花齋而外莫之及也築眠琴山館爲藏書所汪屬志

奚鐵生寫訪書圖以寄意丁丙善本書室藏書志大江南北及浙東西知

名好古之士或扁舟過潯上靡不題襟延接出奇書以相欣賞

嘉定少詹錢大昕許作藏書記未就而桐卒年四十五子幼山館之書鼠竊鯨吞不數月盡歸烏有當是時里中如楊鳳苞施國祁邢典張鑑范錯諸人各擅才識然皆苦貧無書大半藉桐所藏始得攷訂撰述施及後進流風未艾桐之功爲不細云桐女婿溫曰鑑字霽華號鐵花監生從鳳苞及典遊亦好蓄書并嗜金石文字精輿地之學於南北朝疆宇分合郡縣僑置攷索尤詳

汪志

郭廷元幼爲宋凌高養子凌高娶後妻生子蘊斯時廷元已稍長從凌高賈于貴州凌高先歸十餘載音問不通廷元居積漸阜乃還鄉至則門庭非昔驚問鄰里始知父卒母嫁居室已售他姓蘊斯鬻身法華山寺爲僧矣急訪其母則母之後夫已亡

南潯志

卷二十 人物三

三

正無所依遂迎歸返其居室而居焉將訪其弟母止之曰今幸母子完聚安用弟爲廷元泣曰母誤矣弟爲宋氏子廷元郭氏子終不能爲宋後也遂之法華時蘊斯剃髮多年其師靳之浼寺鄰爲之請以厚資贖歸卽爲蓄髮娶妻挈至貴州同賈十餘年資益豐乃析爲二兄弟各有其一後蘊斯歸奉母以終宋氏得延其祀廷元力也廷元年近五十嘉慶初卒

汪志

紀峻原名汝瑚字鐵山號石溪後改治夫府學生父守謙早卒峻纔六歲母潘氏撫之成立家貧習形家言以養母母病劇或告以割股事峻曰虧父母之遺體非禮也旣而百計罔效潛然曰舍此別有何術療我親耶乃割左股以進病遂愈弟方虎好學而多病撫視不倦妻屠氏事姑亦以孝聞母喜酒以貧命勿

進峻每私購數畧藉稱姻好所餽然後飲鄰有擔夫江某嘗醉歸叱母具茗峻斥之而飲以已茗江頓改焉讀書能窮經義明漢儒爰辰飛伏納甲諸術尤精樂律推步復善琴弈湖俗故多火葬峻勸捐富室立師善堂設杼山義塚雖里人好善而其議實峻創之道光三年水災墟墓率被淹峻乘舟往省祖塋風雨幾覆者屢不顧泊墓側兩月水退始返店疾大劇歸五日而卒時八月十九日也年五十六方是時淺厝者盡圯棺入太湖無算峻命其子乘筏以拯之凡三百五十餘具道光十四年旌表孝子汪方虎字炳章號歎谷生四歲而孤少長折節讀書與其兄其相砥礪甚友愛也乾隆丁未夭折未娶無子治夫命其次子南枝爲嗣南枝徧爲搜輯親族故老遺詩亦好學之士也

南潯志

卷二十 人物三

三

得溪詩徵

張鑑字春治一字苟鶴號秋水先世自喬澳遷潯鑑少從詩人計發遊弱冠補諸生館劉氏眠琴山館徧讀所藏書學益博自經史暨地理水利樂律步算六書音韻篆隸金石莫不周悉發爲文章引據典確儀徵阮文達公元視浙學說而撫浙築詁經精舍于西湖拔兩浙知名士講肄其中鑑及同里楊鳳苞施國祁皆與焉佐修鹽法志經籍纂詁等書嘉慶辛酉拔貢甲子復中副榜文達督師寧波剿海寇挾鑑同行復以水災蠲賑皆資鑑贊畫今所傳兩浙賑災記卽當時所編詳贍足爲後法適奉上諭預籌海運嗣因河流順軌其事遂寢鑑以河運雖安而費鉅海運雖危而費省且得其人而行之海道習熟亦未嘗不

如河道之安於是著海運芻言凡料淺占風之法定盤望星之規放洋泊舟之處靡不講明切究侍郎英和見其書稱爲可用迨道光甲申冬河決高家堰漕艘路阻英和力主海運奏請

允行六畧與鑑說合而稍加變通焉年近六旬膺風疾里居不

出自號貞疾居士求詩文及畫者踵相接丙午選授武義教諭

庚戌正月卒于官年八十三所著書凡三百餘卷汪從弟鎮字

南華一字小山號荻塘阮文達督學浙江嘉慶丙辰試臨湖郡

見鎮詩斌拔取入泮以是益爲發憤攻讀乃得上嗽之疾庚辰

逝世年未及三十也

溇溪詩徵

范錯初名音字聲山號白舫又號茗溪漁隱例貢生其先明祭酒應期居菁山歿後族黨散處各郡祖穎通字希賢號樓園監

南溇志

卷二十

人物三

古

生攻軒岐術精脈理自塘棲遷溇著研北居瑣錄皆載故里文

獻汪性恬淡爲善于鄉閭俗火葬忼慨捐貲不能斂者棺之不

能葬者瘞之冬夏購棉衣製藥施送貧乏又事親至孝清理墳

墓修葺義莊見族人有好學者必教誨得以成立其孝友高義

足紹文正之遺風范父宗鎬字學周號檢齋監生輯溇著二卷

錯有雋才工詩尤善詞中歲以後遠遊四方磊落好交寓意鹽

筴往來楚蜀者三十年留心掌故作溇溪紀事詩七十首徵引

記載遺聞佚事靡不畢具客蜀著蜀產吟僑寓漢上著漢口叢

談皆不愧作家晚歲寓居揚州卒年八十餘錯兄登字旣庭號

煙畦縣學生亦有文行登子來庚初名濂字小庭秀水縣學生

嘗刊南溇鎮志

汪志

孫燮字呂揚號愈愚家世服賈至燮始補府學諸生旋食餼少
患足弱苦眩瞶每入闈輒病一再試遂不復赴以歲貢終既無
意進取乃肆力於詩古文辭一編入手則家事悉置不問敦友
誼尤好接引後進其弟子多以文學雄于時有族子某貧而悍
屢賙之不慊一日闖入燮室聲言將刺刃其胸燮怡然讀書不
輟某技窮而退人以氣度服之道光丙午次子斯詠鄉試捷音
至燮已病越數日卒年六十四先是里中以詩文名者推董燧
謝洲曹大斌迫燮出識者以爲突過前人云

汪志

沈登瀛字金坡號柳橋府學生歸安籍祖堪自震澤遷潯父鍾
璜監生以孤童起家驟致饒裕登瀛性醇厚外和內介道光三
年大水佐有司行賑規條井井胥吏不能上下其手初勸分時

南潯志

卷二十 人物三

五

鄉人擬循舊例出錢登瀛謂今之災實甚往年循舊例奚濟於
是各倍其數而登瀛則再倍之十一年歲復稔築運河石塘以
工代賑登瀛董其事勾稽督察不惜勞苦兩次捐數凡五百餘
緡故人金錫桂館其家病歿割屋以處其妻孥盛朝勳紀慶曾
卒後卹其孤寡歲有常餼急人之急雖當匱乏必勉勉應之屢
被市僧所欺不暇顧卒以是耗其家貲善讀書喜考史傳異同
尤留心于鄉邦文獻謂府志訛舛因歷引史籍以識其誤復搜
采南潯事實作南潯備志皆未卒業道光二十二年卒年四十

九

汪志

丁桂字景顏號子香歸安學生六歲而孤爲沈登瀛姊子長於
登瀛家教養有成

潯志

孝事孀母擇友慕嚴雖酷貧取予不有

縣志

好讀書天才豪邁爲文破去崖岸有長河直下之勢東以時文格律猶檻猿猱而縛虎豹於小題大艱以故屢試不售人或以爲詬病或勸其稍斂以媚俗不顧也孫燮贈丁子香序卒以古文名於

時卒年四十五詩

紀慶曾字思詒號師泉又號半虔幽華詩畧晚號密庵溇輯歸安學增

生孫燮紀半虔哀辭少孤育於祖母天姿警敏彊記過人雙眸炯炯每

朋儕會合時笑語喧雜輒起取架上書默視俄頃已盡數卷多

能背誦論古今得失儒術純疵口若懸河聞者爲之色駭其爲

學初頗泛覽繼乃潛思理學家言沈垚紀思詒事畧篤好程朱之學兼

攻古文辭柳橋先生行述爲詩用意深遠非淺識者所能窺曉寒樓雜憶然

所長終在史而明史尤深恥爲求知于譽之文遇知名士則走

南溇志 卷二十 人物三

去

避曰學與我合則往不然甯與古人相對酒酣以往書卷縱橫

歡呼自得其累頗亦由酒事畧家乏恆產無以爲計有故人爲令

山左遂往遊焉孫燮紀半虔遊山左記妻子時困乏又喪其次子思家而

歸行裝用盡冬月單衣嗚呼何其窮也事畧卒年五十一攬菴山房漫記

遺稿古文數十首日記一冊事畧師泉遺詩一卷雜憶

盛朝勳字介眉一字壽朋志稿號眉庵縣學生幽華詩畧少孤貧沈垚書唐

述山房而志趣高超胸懷浩落沈垚與張淵甫書年十六傭力於市肆

主人使與客烹茶火爇其手歎曰是豈爲吾業耶因辭去孫燮盛眉

庵小刻苦厲學而能自拔於俗初述詞賦甚獲時譽卽盡棄之

而潛心於經史沈垚書唐述旁涉百家言後專治通鑑沈垚紀

畧曰士不當爲藻飾無用之言數年學益進境益苦而峻潔之

心堅定之守益嚴厲峭拔稜稜露風骨飢則閉門餓不外求人

遇同志仍忼慨論古今不稍倦書唐述山房日錄後謂著書不可太早故

生平讀書甚勤鈔錄前人之書甚多沈垚與張淵甫書卒年三十三以

暴疾不及還家殞于溫氏之館汪志著有唐述山房日錄二卷曉寒

樓雜憶雞肋偶存一卷汪志

董蠡舟字濟甫號鑄范監生貫穿經史尤精三禮著書甚多兼

善詩畫汪志不慕榮祿於書靡不窺而猶病其藏書之少閱市之

淺顏其所居之樓曰夢好棊几竹榻百城南面以寄其深愛篤

嗜之思尋溪詩徵從弟恂字謙甫號壺山府學生工詩詞能醫亦通

經經書實疏夏小正并重修南潯鎮志汪志

紀大夏初名文鳳字韓之號五樓湖府增生精研經史一時有

南潯志 卷二十八 人物三

紀經解之目子汝霖字獻琛號半山烏程學生少承庭訓於漢

儒說經異同並能援據詳明每為學使者所拔取居家孝友父

母卒喪葬盡禮皆一人為經營不累兄弟親族有貧不能葬者

恆為叩募大戶集資葬之曉寒樓雜憶

沈垚字敦三號子敦道光甲午優貢英姿卓犖議論常出人意

表經史子集罔不溯流探源而于三禮最深尤精輿地之學著

新疆私議謂 國家開邊萬里常患饋餉難繼省餉必須屯田

屯田必講水利某山出某水某水經某處灑灑數千言如指諸

掌中書徐松一見歎曰吾謫戍新疆凡諸水道皆所目擊然猶

歷十年之久始知曲折沈君閉戶家居獨從故紙中搜得之非

具絕大識力曷克有此為之延譽公卿問及貢入成均屢試不

售爲編修徐寶善補修 大清一統志新疆數冊又爲侍郎姚
元之修 國史地理志并撰道光九域志松嘗攷元史西北地
又欲注魏書地形志皆引堯爲助堯友誼最篤故人盛朝勳紀
慶曾卒雖窮困常從京師寄錢卹兩家之孤其風義實今人所
罕有在京師六年鬱悒遘疾夜感噩夢夢中獨享盛饌几上祭
文六朝體甚工麗臚舉其生平學行甚悉旦而知非吉兆越十
餘日遂卒年四十三注志

周霈霖字佩璜號雨舫又號寄安原名恂號沁泉周氏家譜秉性冲

淡極嗜學閱大寅題山水遺幅與同縣高蘆洲明經湘交湘故詩人嘗有

所作輒強和之兩人相得如昆弟霈霖善山水湘善畫蘭每當
春秋佳日兩人乘舟出城搜尋巖壑間遊人雜沓處皆不往盡

南潯志 卷二十 人物三 六

一日乃還人莫測其所至有知之者曰將以探林壑之勝繹其

畫理歸而摹入尺幅中故所畫不名一家雖不多作而得之者

與湘之蘭並重許國年周雨舫傳贊湘嘗贈詩題便面其跋云先生爲余

作山水卷子通峭如黃子久蕭遠似倪雲林其清秀勁達之氣

又在顧陸張吳之外夢坡家故貧衣食于奔走寓吳中幾十年

今吳中人猶有稱述之者贊傳姪孫昌壽字介福號味三精繪事

尤工山水周氏家譜其於畫初無師授而摹仿前人手蹟無不逼肖

嘗取畫值爲覓醉之資與里人張蘭言相友善兩人皆善飲至

夕陽西下輒至酒家並酌或唱或和或聯句率以爲常日本國

人得其畫極珍重之夢坡文存昌壽長子慶徵字吉雲號縵卿承家

學嫻繪事以山水得名周氏家譜

紀思曾初名經字向傳府學生官曾孫嗜酒能詩性温厚終日無怒容一杯入手即怡然自得家無僮石弗顧也卒年五十三子奎光字樹門號硯香少穎異才情豪爽有聲庠序兄弟同居終身不析筋事母能得歡心姊寡常恤其家尤樂交遊待人能盡力赴秋試十五次卒不售以歲貢終奎光子三並有令聞長用康初名五辰字撫于號星槎道光壬辰舉人次六箴字方李號諫三季七襄字雲錦號西庚烏程廩生少承庭訓亦兄弟同居家庭雍穆內外井然七襄能左書殊工整曉寒樓雜憶沈益號秋嵐客漕督幕司箋奏四十年每歲入都見有路斃者獨任掩埋先後三千七百餘尸一時咸稱其惠晚始得子人以爲善報縣志

南潯志

卷二十 人物三

六

周良苗字養禾號稻村周氏家譜先世本餘姚人楊葆光周味六府君暨其德配沈恭

人傳祖文魁字聖能周昌福始遷祖績學未仕治商出遊譚獻周氏祠堂記以南潯風土醕樸雖素封家相率爲儉約謂斯地可久居乃

家焉許國年周君聖能傳父恆字佩蘭號東橋性温厚寡交遊有獨行君子之風周譜良苗生有至性孝於親兄弟則友形影肺腑殊暱近

也聰明力學好讀書不競仕進篤行嗜爲善於鄉里父老有利濟事傾貲贊之無吝色譚獻稻村周君傳舉止磊落周譜績學能文朱祖謀琴軒周君傳煥雅冠曹偶譚傳輯有聽香樓尺牘未梓焜於兵周譜道光庚

子卒年四十八譚傳

丁宸字邦佐號若木歸安籍道光辛巳恩貢博學多聞自古今沿革以及鄉邦文獻莫不言之鑿鑿後習形家言得青囊祕術

爲人氣度從容內和外嚴紀奎光使酒難近惟宸能優容之奎光亦心折宸不敢有所忤其足動人畏敬有如此

曉寒樓雜憶

董邦楨號硯洲烏程學生美秀而文與紀磊温金萼交最密嘗爲金萼代償宿逋不少靳道光丁亥金萼結詠霓文社于御書閣會者凡七人邦楨及磊與焉邦楨文思沈摯頗近歸胡風格與時輩迥殊爲馮鳴盛所稱許卒時年未三十金萼字子燮號花卿府學生孫燮高弟也爲人翩翩儒雅家故貧出遊山左後并挈其家以去

曉寒樓雜憶

李景邕字蓮塘隨兄客河南年六十始家居仁慈好施與戚友有告貸者予以資反復開導無疾言遽色以故咸感激之及歿有入門號泣而拜不知其姓名者兄子邦治字琴若性温厚外

南潯志

卷二十 人物三

三

和內介少從馮鳴盛遊與沈垚金錫桂吳汝雯相友善根經抵史力學不倦家庭之間日以修齊之要諄諄然爲子弟誠晚年得翻胃疾閉門養疴以詩酒自娛著有自怡齋吟稿四卷佚

宗譜

李氏